



ADMODVM RE- VERENDO AC NO-

BILI D. REVERENDIS ET NOBILI-
BVS DD. D. GEORGIO AB HATZFELDT, Ec-
clesiæ Fuldenſis Decano, & Monasteriorum D. AN-
DREÆ Noui Montis, & Holtzkirchæ. R^{do} & N. D.
DANIELI à Merlauu, Capitulari ſeniori, & Mona-
ſteriorum S. Michaelis & Cellæ. R^{do} & N. Dn.
HERMANNŌ EBERHARDO Milchling dicto Schutz-
bar, Monasterij Tolbæ. R^{do} & N. Dn. IOANNI
BERNARDO Schenck à Schvveinsberg, Monasterij
Blanckenauv. R^{do} & N. D. PETRO ERNESTO
à Rupe, Monasterij Montis S.

Petri

PRÆPOSITIS.

DD. & Patronis Opt. ac Bene meritis.



*Blatam mihi tandem occasionem te-
stificandi officium, & obseruantiam
erga vos meam, hoc alacrius arripui,
quod maiorum vestrorum ac paren-
tum plura ingenij monumēta adhuc
extare deprehendi, quam exprimere
primo conatu licuit ; & utiliora, quam quæ tenebris*

liii 2

dam-

damnari, & non in luce ad memoriam posteritatis pro-
 poni debeant. Scio hoc morbo laborare praestantia quoque
 ingenia, ut, quae mustea sunt & florida, id est, solâ elegan-
 tiâ sermonis commendata, preferant, vetera hæc & ob-
 soleta, quæ Asceticam, & mores antiquos redoleant, ipso
 peregrinitatis sapore, fastidiant. Sed tempus esse quis du-
 bitat, cum utilia speciosis, vetera musteis longè sunt an-
 teponenda. Imaginem hic habetis veteris, & germanæ
 Congregationis vestrae, velut in tabula depictam, non
 rudi quidem colore, sed optimo, & nativo expressam; quæ
 Aegilille celeberrimus Abbas, & morum suauitate, &
 mira suorum concordia, tum accurata viuendi discipli-
 na, cum ingenij, & virtutum suarum pulchritudine
 primus adumbravit; Candidus autem eius discipulus,
 ad imitandum proposuit. Ac inficias quidem ire nequeo,
 partes huius imaginis, in Antiquitatum Fuldensium li-
 bris, à me quam venustè, nescio, usurpatas. Sed curan-
 dum omnino fuit, ut suæ compositioni tãquam membra
 corpori redderentur, & rursus inter se, cum quodam
 lepore consentirent. Ita enim, & fore speravi, ut hic Aegi-
 lis magni quondam & nobilis vestri Patriarchæ nitor
 & ornatus, oculos moueret, & vos ad ipsius intuentium
 mores, facilius alliceret; ac denique moueret approbationem
 eorum, qui non ad voluptatem & ventris ingluuiem se
 generatos à natura, sed ad studia honestatis, & virtutis,
 id est, ad vitæ seueritatem, natos, educatosque meminis-
 sent. Ceterum hunc exiguum laboris mei, aut vestrae po-
 tius Bibliothecæ fructum, à Candido ordinis vestri gra-
 ui, & Agilis æquali Scriptore profectum, autoritate in-
 terpo-

DEDICATIO.

5

serposita vestra, prodire in hominum manus volui, Ad-
modum Reuerendi & Nobiles viri, tum, quia Collegiū
hoc Fulde, qua à vobis amicitia, propensa voluntatis, ac
beneficiorum argumenta tenet, grati animi testificatione
sibi declarandum putauit; tum, quia vos, qui ad huius
Ecclesie gubernacula concordibus animis Principi, &
Archimandrite vestro assidetis, si Agilem, id est illud
antiqui moris, illud religionis ac concordie, illud tempe-
rantie, & modestie exemplar in oculis geretis, & mori-
bus exprimetis, videam prorsus felices ac beatos fore;
quo bono in hac mortali vita, nullum vobis optare pos-
sum maius, aut prestantius. Fulde, Anno MDCXIV.
XXV. Augusti.

Adm. Rev. & nobili Congregationi Vestre
Addictissimus cliens

Christophorus Brouverus.